



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. III. Ex quibus causis Coadjutores dari soleant?

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

laborare non debet. Paris. de resign. Benefic. l. 7. quest. 20. num. 15. § seqq. Pignatell. tom. 4. consult. 13. num. 4. Hodie, tamen aliud observari videmus in Coadjutoribus perpetuis, & cum spe futuræ successionis datis, qui, ut advertit Gonzalez ad cap. fn. b. t. non sunt, quod significant, nec Pastorem fessum, aut senem sublevant, sed potius ipsi sublevare necesse habent, siquidem non modo Prælatis jam decrepitis, sed vegetis adhuc juvenes subinde, ministerii sacri planè rudes, propter bonum familiæ in Coadjutores dantur, qui ipsimet, ut ex Gambaro Tit. de Coadjutor. n. 13. notat Hieronym. Gonzalez

ad d. Reg. Cancell. n. 40. nedum Coadjutore, sed Pædagogo indigerent, ita, ut vix non speciem successionis in Ecclesia DEI referat. Animi sui sensa etiam hac super re candide aperit Fagnan. ad cap. 2. de Concess. Præbend. num. 75. § 2. seqq. quem consulisse non pigebit.

Quoad numerum Coadjutorum dicendum, quod regulariter unus tantum assumi valeat, ex ratione, nè Ecclesiæ nimium graventur, quarum redditus pluribus alendis fortè non sufficient. Possunt tamen duo, non verò plures dari, si ita expedire visum fuerit. cap. un. b. t. in 6. & Passer. ibid.

§. III.

Ex quibus causis Coadjutores dari soleant?

S U M M A R I A.

10. Non solum ex causa ægritudinis, & debilitatis (quæ cause duntaxat in b. t. exprimuntur) sed etiam ex aliis causis, quæ enumerantur, Coadjutor dari potest.
11. Coadjutor perpetuus cum spe successionis à nemine alio præterquam à S. Pontifice dari potest.
12. Qui mox à morte coadjuti sine nova collatione jus in re in Prælatura acquirit.
13. Coadjutorie perpetuae in Germania sunt frequentes, nec in iis forma electionis tam strictè attenditur.

Quanquam spectata Rubrica b. tit. nonnisi ex duabus causis ægritudinis videlicet, & debilitatis Coadjutor temporalis dari posse videatur, complures tamen causæ aliae à Parisio de resign. Benefic. lib. 7. q. 20. & Barbos. J. E. V. lib. 3. cap. 10. a n. 5. ad 20. recensentur. Sic datur Coadjutor Prælato de dilapidatione suspecto cap. 37. de Offic. delegat. Item Parochis illiteratis, & imperitis, modo alias honestæ vitae sint, conformiter Trident. Sess. 21. de Reform. cap. 6. Sbrozza de

Offic. Vicar. lib. 5. quest. 212. qui tamen ex eo, quod Coadjutorem accepterint, ab obligatione residendi in sua Parochia neutiquam liberabuntur, nè alias melioris conditionis illiterati præ literatis existant. Barbos. cit. l. num. 29. In senibus, quanquam, ut tales dicantur, ætas 60. annorum juxta Pignatellum cit. consil. n. 2. sufficiat, non tamen, ut Coadjutores iisdem adjungantur, hæc ætas sufficit, nisi simul tanta virtutum debilitas accedat, quæ Rectorem ad exequendum officium suum impoten-

tentem reddat. cap. 1. b.t. in 6. Numerositas populi similiter est causa urgens, ut Rectori de Coadjutore uno, aut pluribus provideatur, prout à S.Rota decisum refert Farinac. decis. 484. num. 5. part. 1. recent.

11 Quoad Coadjutorem perpetuum cum spe successionis, qui nec à Legato à latere, nec ab alio quocunque Nuntio Apostolico dari potest, ut ex declaracione Cardin. confirmat. Garzias part. 3. cap. 5. n. 18. & Paris. lib. 6. q. 5. n. 15. sed à solo Pontifice. cap. un. b.t. in 6. duæ duntaxat causa in Concil. Trident. Sess. 25. de Reform. cap. 7. allegantur, videlicet *urgens necessitas, aut evidens Ecclesiæ utilitas.* Quas causas S. Pontifex privatum per Cardinales, & in Consistorio examinare solet cit. loc. Trid. Parisius d. quest. n. 15. Et ideo dispensatio Coadjutori haudquam suffragabitur, sed subreptitia judicabitur, si is aut qualitatibus in coadjuto requisitis non resulgeat, aut urgens Ecclesiæ *necessitas, vel evidens utilitas ejus adjutorium exposcere non appareat.*

12 Illud hic cum Fagnan. ad cap. 5. b.t. num. 16. adhuc noto, quod talis successor perpetuus cum futura successione à S. Pontifice datus, mox acquirat *jus ad rem*, & vacante subinde Prælatura etiam *jus in re*, sine nova collatione, quamvis mortuus fuerit Episcopus, antequam litteræ Papales Roma advenerint. Adeoque Coadjutoria effectum nondum sortita fuerit, modo tamen tempore *datae* Episcopus adhuc vixerit, ut probabilius docet Garz. d. cap. 5. n. 131. contra Gonzalez ad Regul. Cancell. 8. Gloss. 5. §. 9. n. 56. P. Verani b.t. §. 3. n. 2. §. 2. seqq. Ratio prioris est, quia gratia successoris non præcisè facta videtur de-

pendenter à labore *Coadjutoriæ*, quasi eodem non existente, locum non habet gratia, sed, cùm à parte rei, & in effectu duæ censeantur factæ gratiæ, una de *Coadjutoria* in favorem coadjuti, altera de *succeſſione* in favorem Coadjutoris, una causa sublata, adhuc manet altera. Ratio posterioris est, quod, Episcopo tempore *datae* jam mortuo Coadjutoria nulla conferri potuerit; mortuo enim non datur Coadjutor, nec mortuus pro ea supplicat, nec consenit; unde nec intentio Papæ fuisse præsumitur, Canonicos jure eligendi priuare velle, Sede jam tunc vacante, præfertim, cùm id genus Coadjutoriæ tanquam à jure communi exorbitantes, jurique tertii præjudicioræ, odiosæ, con sequenter stricte interpretandæ sint.

Circa dictas Coadjutorias perpetuas advertit Card. de Luca in Annot. ad S. Conc. Trid. discurs. 45. n. 7. §. 9. quod earum usus in Italia, & Hispania, aliisque Provinciis ubi dicta Constitutio Tridentini Sess. 25. cap. 7. accuratiū observatur, aut rarissimus, aut omnino nullus sit, in Germania vero, & Gallia Sedes Apostolica similes Coadjutorias cum futura successione in Prælatura ex justa causa, in S. Congregatione Consistoriali examinari solita, facilius, & crebrius indulget. Quam ipsam tamen Coadjutoris constitutionem, tametsi à gratia, & beneplacito Papæ unicè dependeat, facere non solet sine Capituli illius consensu cuius Prælato Coadjutor dandus est, quem consensum Capitulum præstare solet per quandam formam, seu speciem *electionis*, quæ tamen non est vera, & formalis electio, ideoque de facili sanari solent illæ nullitates, quæ de jure

jure stricto aliás obstante, cùm Papa hanc ipsam electionis formam non alio ex capite permittat, quām, ut se cer-

tum quoquomodo reddat de consensu Capitularium. Hæc laudatus Card. de Luca l. cit. n. 10.

§. IV.

Quæ sint partes Coadjutoris? Et quanta ejus potestas.

S U M M A R I A.

14. Coadjutor eadem jurisdictione pollet, quam habet coadjutus, non tamen sine limitatione. 15. Non tamen eadem honoris prærogativa gaudet, quā principalis. 16. Est alendus sumptibus principalis. 17. Officium Coadjutoris temporalis cessat morte coadjuti. 18. Non item Coadjutoris perpetui, cuius jus jam antē quæsum morte coadjuti magis actuatur.

14 **Q**uoniam officium Coadjutoris in eo consistit, ut Rectorem principalem coadjuvet, ejusque vi-ces, ac munia suppleat, legitime infer-
tur, quod eadem potestate polleat Coad-
jutor, quām habuit principalis, ideo-
que Coadjutor Episcopi, vel Abbatis li-
beram rerum Ecclesiasticarum admini-
strationem habet, modò nil alienet de
bonis ad Ecclesiam, vel Episcopum spe-
ctantibus cap. un. b.t. in 6. & cap. 24.
de Elect. in 6. & insuper omnia ea, quæ
sunt jurisdictionis, imò & ea, quæ sunt
Ordinis Episcopalis, si ordinem Episco-
palem habet, exercere, secùs aliis Epi-
scopis, quasi suffraganeis, demandare
potest. Quia tamen hæc potestas non
nunquam restringi, & limitari solet,
ideò ad formam concessionis respicien-
dum est. Parisius de Resign. benef. lib. 7.
Ques. 20. num. 19. Ubi verò de illa
non satis liquet, attendendum est, ex
qua causa datus sit Coadjutor, si ob
temporalia, putà, quia coadjutus, qui
ceteroquin spiritualia benè administrat,
de dilapidatione suspectus est, tantum-
modo ad exercitium illius causa tem-

poralis datus esse videtur. Quodsi ve-
rò detur seni, vel infirmo, ad spiritualia duntaxat datus esse censetur, quan-
do autem datur dementi, cùm ad om-
nia reddatur impotens Episcopus, tam
ad spiritualia, quām temporalia datus
esse non ambigitur, ideoque ad instar
principalis beneficia liberè conferre, &
eorundem resignationes recipere pote-
rit. Cabassut. Jur. Can. theor. § prax.
lib. 1. cap. 16. num. 1. § 3. Barbos. J.
E. V. lib. 3. cap. 10. num. 24. § seq. cum
aliis ibidem relatis.

Quamvis autem Coadjutor dicatur, repre-
sentare suum principale, non
tamen eadem honoris prærogativa gau-
det, sed vivente coadjuto, ultimo loco
post omnes Canonicos sedere debet,
prout censuit sacra rituum Congrega-
tio in Patavina 3. Decembr. 1616. Ni-
si Coadjutor in dignitate aliás consti-
tutus foret, tunc enim absente, vel im-
pedito coadjuto, præcedit omnes Cano-
nicos, ac idem prorsus stallum, quod
coadjutus, si præsens esset, obtineret,
habere debet, prout ab eadem S. Con-
gregat. in Brundusin. 29. Maii 1621. de-
ci-